

*Bethlehem si-al a tang nawnta, Eden kulsin dawngkot sung hon tanvak; Halh in thou un, Eden taikhua vakta, Lungtup gam I zuan zel ding uh.*

kipan ding hi. Khawmpi deligate dingte ana kizasawn sak chiatding leh hohchiat dingin iki zasak thakthak uhi.

#### GA deligate te a ding a theih

**tuak:** December 12, 2015 (Kiginni) dak 9:00 AM in, Rayburn Collage Auditorium ah Business Session

Sd/- (REV. H. CHIN THIANSONG) Coordinator (Ministries)

## PASTOR K. VUNGKHAM A PENSION TA

December 1, 2015 in senior Pastor K. Vungkham pension piak in a omta! Halleluia! Amah bel mi kisaphut, hat mahmah, avanglai a Thanlon bial a taihat kidemna a duaisanlou, sa kap siam mahmah leng ahi. A taksa pian leh a hatna kon taklat ziak bel, Toupa gam nasepna dia a thahatna leh a talentte phatuam tak a zangmi ahihna gen ut hi ing.

**A hatna:** Tai hat, tha khauh leh zuanzang mahmah ahihna pen Pastor dia ordained ahong hih in phatuam tak in zang hi. Bialfan a fel mahmah a, khe a pai keuhkeuh in a fang sek hi. 1996 laihawl vel akipan a nung ka na zui mun mahmah sam a, khochih a mission box khawnkhawm in bial nihvei mahmah khe in ahon sikuakpih hi. Tulai a gari lemnanlouh ziak a bialfang peih loute chau sa mahmah di' n um lel ing.

A thahatna leh zuanzang ahihna a zat manphatna mahmah nawn khat ahihleh, inn veh taima mahmah hi. Pastor a sep sung a a bial khak

## PANSANBEI TEELNA (UNCONDITIONAL ELECTION)

Rev. H. Chin Thiansong, Coordinator (Ministries)

“Pathian in Meidil leh Van gam abawllai in hiai mun nihte a kuakua paisak ding ihihiam chiin honkum kei, aman ama thu in ama deihdana thilgel in asem khinkevta hi. Pathian thilgelsa leh thilgeldante complain vualding omlou ihihziakun, athugente igintak a izuihding uh ahilel hi” chihthute Evangelist (L) Nu Zamlian in khamangthang/piangthak theiloute ahilh ngutngut hunte phok thakthak kahihmanin ihoulim patna ah kahon gelh hi.

Pathian' lalpenna (*Sovereignty of God*) pomlou ten Pansan bei teelna (*Unconditional Election*) chihthokhsai theihsiam haksas amahmah uh. Aziak tomchik in genleng atheisiam sakding leh atheichiansak ding Pathian' Kha Siangthou amah aomkei/aneikei uh ahidia aw chih theih phial hi.

**Pansan bei teelna** chih tuh thu bangkim tunga thuneitu/alal pen Pathian in mi khenkhatte hotdamna apia, abawlsa van gam luahdingin, huan khenkhatte Meidil ah apai uhi (*Matt. 25:1-46*). Hiai hotdamna leh hotdamlouhna thute khong eite pianmapek leitung pianma a anagelkhit/ana bawlkhit ahita hi (*Eph. 1:4-5*). Aman mi atelna tuh mihing lama pan dawnna, thumanna, ginna, kisikna leh adangdang hong omding ahi chih muhkholhna/theihkholhna aneihsa omziak ahikei, hehpinna ziaka ginna tungtawn a ahonteele ahi (*Eph. 2:8-9*). Huainaksangin, aman atelte kiangah Kha-Siangthou tungtawn in ginna leh kisikna apia hi (*Romete 8:15-16*). Huaiziakin Pathian' hon teelna tuh mi a om muhkholh hoihna hiam nasep hiamin asukpuk (final) ahi kei. Pathian-in alalpenna a ateelte tuh Kha Siangthou tungtawnin kitalawptaka Krist pomna ah apilut hi. Huaiziakin hotdamna ziak/cause tuh mikhial-in Pathian ateelna hilouin, Pathian-in mikhial ateelna ahizaw. *Gen. 12:1-3, 21:9-13, 25:21-23; Eks.28:1; Deu. 10:14-15; Daniel 4:35; Romete 9:14-21; Tita 3:5.*

nuamtakin ka hon pom zel ding hi (Isai 40:11)

36. Leitung a na pianna nu in hon mangngilh thei mahleh ken zaw ka hon mangngilh ngei kei ding hi (Isai 49:15)

37. Ni khat tei na mit akipan in na khituite ka hon nul hul sak ding hi (Kil 21:3-4)

38. Na Pa ka hi a, ka Tapa Jesu Krist ka it mah bangin, nang le ka hon it ahi (Joh 17:23)

39. Ka Tapa Jesu tungtawn in ka itna ka hon langsak hi (Joh 17:26)

40. Ka itna ziak kia in an gum hilou in, nawitui in ka hon vak zaw hi (1 Kor 3:2)

41. Na tatleknate uh ka theigige nawn ta kei hi (2 Kor 5:18-19)

42. Ka Tapa Jesu Krist sihna tungtawn in nang kei Kei i ki tuakkhawm nawn thei hi (2 Kor 5:18-19)

43. Ken nang akipan na itna ka ngah theih na dingin thil tengteng

leng a thawn in ka honpe vekta hi (Rom 8:31-32)

44. Nang ka hon itna akipan in bangmah in ahon khen zou kei ding hi (Rom 8:38-39)

45. Ka it ka ta aw, nikhat tei in ah na hong pai kik nawn ding a, huai chiangin nunnopna thupitak van akipan in ka hon pe ding hi (Luk 15)

46. Kei tuh na Pa ka hi ding a, hun hongtung zel dingte ah leng na Pa ka hi lailai ding hi (Eph. 3:14-15)

47. Na kiang a dotna ka bawl utpen tuh hiai ahi “Ka ta dingin na ut taktak na hiam?” (Joh 1:12-13)

Sanggam itte aw, tua atung a thu i simte uh theisiam thei ding in Pathian in vual hon zawl henla, khalam nawitui bangmah toh hellouh a hon vaktu Pa Pathian in thupina tang henla, a sim kha peuhmah Toupa' n a vualzawl na toh hon ompih tawntungta hen.

## EDEN KONGKHAK HONG NAWNTA UH

-Eld. H. Vungzamang, Rehoboth PC

“Eden kongkhak hong nawnta uh, lut un Zion khua a vakta” chih la hi Khristmas lapi ahi deih gige a, Eden kongkhak bangziak a khak a, bangziak a hon nawn kul ahia chi hi ngaihtuah khawm zual di e.

Tanglai a i nu leh pa masate gul khemna ziakin Pathian' thukhun ana bohsia ua, ahinna uh, a kha uh, a sa uh, a lungsim uh Eden huan a khosa den dia taknawn lou ahihziakun Eden huan paw lam a nohkhak in ana omta uhi. Eden a alut nawn theih louh na dingun hinna sing pen Toupa' Chrerub leh mei namsau kililik zualzualte a vengsak hi (Gen. 3:24)

Huchi ahihziakin Evi leh Adamte ziakin thil hihkhiallou, sia leh pha theihna singgah ne tei loute tungah leng sihna in vai ahawm ta a, mi tengteng in thil ihikhial vekta uhi (Rom 5:14) Adam leh a suan leh pakte a dingin Eden huan kongpi khak a hong hita hi.

Thukhunlui hun a phak leh TB natna veite khosung a om a phallouh bangun Eden natna veitu Adam leh a suan leh pakte damlai himhim omlou, chikeh, vuak sidup, meima nai la bang ahong hita uhi (Isai 1:6). Pathian in hon et chiang a niin mahmah leh kihhuai mahmah (Sam

53:1). Ta-ngal in kisil in, sahbon leh tui tampi zang mahlehang i thulimlouhna Pathian ma ah dawkh thouthou hi (Jer 2:22) A sapum uh leh a figure uh paw lam apan etin a ngei-gei himah ei, ahihhangin a sung lam pen natna kihhuai leh niin chiteng kikhawlkhawmna ziakin Eden huan sung a om taak hinawnlou in, huan apan a nohkhak, khakkhum in aomta uhi.

Eden kongkhak hi Cherub leh mei namsau kililik zualzual a ven ahihziakin nang leh kei deihnelna a hon vual hikei veh aw!! A

Pansanbei teelna toh kisai thuvual dangin genleng, Pathian-in atelte hotdamna kham ginna/hoihna aneihziak ua ateel ahikei, Ama' lalpenna in aKha Siangthou tungtawn in ateel a, asam a, hotdamna kham ginna amaute sungah a omsak hi. Romete 9 sung ah Paul-in aziak thum agen; 1. Pathian tuh mite/tekte samtu ahi chihna ahi hi (Rm. 9:11-13). 2. Pathian tuh hehpihna petu ahi (Rm. 9:15-18). 3. Pathian tuh mite bawltu ahi (Rm. 9:19-24).

Huaiziakin hotdam ding leh hotdam louh ding toh kisai in Pathian-in mihing tengah kisuanlahna ding leiba aneikei, ama lalpenna a avaihom ahi. Mihingte'n amau hihtheihna teng toh Pathian lunggulh in zong mahlehang Eden khelhna ziaka Pathian nawtsiat a om ihilman un, Pathian diktak honmusaktu ding Kha Siangthou ei ah a omkei a, zontawm pathian(i.e., *Singbul Suangbul, Sih leh thil piandan lamdang deuhte*) peuh bia in, Satan' deihdan inasemkha uh.

Huaiziakin a Tapa a tatsate'n Pathian diktak/Jehova Pathian lunggulha ngai tuntuna amah izon theihna dingin a Kha-Siangthou in hotdamna lampi ah ahonpi hi. Pathian in hon vualzawl chiat hen, Amen

## Kristmas 2015 & Kumthak 2016 toh kisai kizaksakna

Bethlehem naungek Jesu Krist min in Kristmas leh Kumthak chibai!

*Mang pian hun silpak a lun nawnta, Selung maimit singsa thel bang thousand; Zatum vualgen Bethlehem tang tung ah, Ginna'n kha in lenggal kai uh.*

Kristmas leh Kumthak hunte hongnai non mamahta, igamsung buaina tuchiang in adan omdeuhta bangsim mahleh igam a dinga hinna anapia l unau salpha luang 9 te lah vui a omnailou ahihman in Saptuamte kuapeuh lungbuai mahmah chiatding in iki gingta hi. Hiai tungtang Head Office ah kana genkhom ua, hiai bang ding ahi or huai bangding ahi chih gentheih geihding omkhol kei mahleh, aphattuum khakleh chiin ngaihdan ka hon kum hi.

Tukum Kristmas & Kumthakte salam nopna leh thupinate sangin khalam gahsuhna toh amanphathei bangpen a zangchiat dingin ikidehsak hi. Hiai Ni poimohte zatlouh bikbek ding ichithei kei, ahihngin tulel a igamsung buaina, thu leh la leng tuamtuamte, igama dia hinna pia salpha luang 9 te ban ah ikim ikiang enkawm vengveng a hiai Ni poimohte zatdingan akilom hun ana gelchiat dingin ikizasak uhi.

Huan Kristmas leh Kumthak Ni tana igam-le-nam a dia hinna anapia salpha luang 9 te vuinau louh

ahonghih ngial leh hiai hunpi inehi Nite ah Saptuam te'n itna nasep bangchiin isulang theidia chihbang ngaihtuah aneih ahoih diam chihkhong honngaihtuah sak hi. *Aziak bel Eite hon it ziak a APA gam khua leh tui nusua a, Kabvari tang tawna hongzong khia Jesu Krist hongpian hun champha ilop hun uh ahihmanin.* Tuleldimmun a itheiphakna chiang ah Saptuam khenkhat in lenkhawmna, nek-le-tak leh nopbawlna lamte omsaklou a biakna program hoitak a neihding chipawl bangleng om hi.

hongtheitu tuh Pathian kia ahi. Eden bohasiatna ziak a natna mulkimhuai tak thuak a, sihna mial nuai a vakvai maimai dingte hon ittu Pathian lungtang na lotel, damtheilou, aA it mahmahte'n Eden natna veitu nang leh kei i damna dingin gankuang leh sing hamsia thuak Khros a hong belta hi.

Manthatna gam a lengsate, Eden kong hon honsak dingin lei leh van a Lalpen, Angleten a phatchimlouh uh Bethlehem a hongtung maimah!! Van mipite leng om maimai theilou in Belampute kiangah "Tumi'n nou a dingin David khua ah Hondampa a paingta, Toupa Khrist" chi a hong kikoukhia in, van lapawl sa in "Tunungpen ah Pathian thupitakin om hen aw, leitung a akipahpih mahmahte kiang ah lemthu lenghen" chih la hong lem dupdup mai uhi.

Eden kongkhak hon honsakna dingin ngaihdamna a leng hoih tuan theilou, i mizia pen Khros ah hon kilhden a, hon hihbeita hi (2Kor 5:14) Gankuang leh hamse thuak sing Khros bangin Khrist sisan ngeingei in, sisan lou a ngaihdamna pe theilou Pathiana lungtang ah siam a hon tangsak a, "a khelhna leh lungmawlna uh leilung ngilhta ning e" hon chihsak a (Heb 8:12) Ka mite na hikei uh, hon chihna Pathian lungtang ah Eden kongkhak a hong thak a, "lut un Zion khua a vakta, lei Eden kia hilou in, tangtawn salem kongkhak thupi tuh kei di'n a hong nawnta hi, manthatna gam a lengsate vankhua hon tangsak a, nuam in zaisa ni Mang thak hong piangta. Simlei tung tangtawn zailan thawn kimvel hen" Simtu tengteng Toupa'n hon vualzawl chiatta hen. Amen.

15. Ka hon gamlat san ngei kei ding a, ka hon hehsan ngei sam kei ding hi. Kei ah itna lungtang diktak aom gige ziakin (1 Joh 4:16)  
16. Nang ka hon it tuh ka thiltup pipen leh ka lunggulh pen ahi (1 Joh 3:1)  
17. Ka itna ziakin nang tuh ka tan a hi ding a, kei tuh na Pa ka hi ding hi (1 Joh 3:1)  
18. Bangteng na nget sang a tam zaw in ka hon pe ut hi (Mat. 7:11)  
19. Kei tuh nang a dingin na Pa van a om hoibbukim ka hi (Mat. 5:48)  
20. Na thilhoih muhte tuh kei akipan ahi (Jac 1:17)  
21. Na poimoh leh taksap bangkim tuh ka thei suak vek hi (Mat. 6:31-33)  
22. Na malam hun hong tung dingte ah na lamet bang a ka hon piak ding tuh ka thiltup pipen ahi (Jer. 29:11)  
23. Aziak tuh it tawplou in ka hon it a, lainatna toh ka hon enkai zel hi (Jer. 31:3)  
24. Ka hon it dan tuh lui pang a piaunel sim senglouhte sang a tam zaw in ka hon it ahi (Sam 139:17-18)  
25. Kei tuh na tung ah la sa in ka nuam den ding hi (Zep 3:17)

26. Na tung ah ka thilhoih hihte ka tawpsan ngei kei ding hi (Jer. 32:40)  
27. Leitung tengteng kei a ahizhiakin nang tuh kei a dingin ka gou manpha pen na hi ding hi (Exo 19:5)  
28. Ka lungtang tengteng ah ka kipahna pipen tuh hoibbukim a na om ziak ahi (Jer 32:41)  
29. Na kiang ah hiai ka hon ensak ut hi "Thil lamdang bawlte leh thil thupi ka hihte" (Jer 33:3)  
30. Na lungtang tengteng leh na lungsim tengteng a nah on zin leh nah on mu ding hi (Diu 4:29)  
31. Ka tung ah kipaktakin om inla, huchi'n na lungtang deihlamte ka hon pe ding hi (Sam 37:4)  
32. Hiai tuh nang leh na inkuanpihte a dia ka hon thilthawnpiak ahi "Kipak tak leh lung kituak tak a na nasep theih na uh" (Phil 2:13)  
33. Na Pa ka hih ziakin na lungkham, na mangbat ni in ka hon hehnem ding hi (2 Kor 1:3-4)  
34. Na lungkham ni, na lungtang nat ni inle na kiang ah ka om zel hi (Sam 34:18)  
35. Belampu in a belamte aban a apomkhawm mah bangin kenle nang tuh ka ang sung ah lungsim

## PATHIAN ITNA LUNG IN NA NGAIHTUAH NGEI SAM HIAM?

-Sasang, Rehoboth

Pathian in ahon itna lungin na ngaihtuah ngei sam hiam? Pathian itna ziakin September kha mel kilawmtak mai kimu nawn thei ahi. A itna thute bible pansanin mun tamlou i en khawm zual ding uh aw. Pathian lungtang tawng akipan a itna thu ahi ngal a. Aman nang ahon it a, amah tuh na Pa diktak ahi. A thute na gintak a, na hinkhua a na pom leh nang hon khek lamdang thei ding ahi. Hiai ahi a itna thute:

- |   |  |
|---|--|
| <p>01. Ka it ka ta aw, nang nah on thei kei mai thei, himahleh ken nang ka hon thei hi (Sam 191:1)</p> <p>02. Ken na tutna ding, leh na pail eng ka hon thei hi (Sam 130:2)</p> <p>03. Na paina lampi teng ah leng ka hon musuak vek hi (Sam 139:3)</p> <p>04. Na samzangte na ngawn inle ka hon simsuak vekta hi (Mat. 10:3)</p> <p>05. Ka ki batpih mahmah a ka bawl ahizhiakin (Gen. 1:27)</p> <p>06. Nang tuh kei ah na om gige ahi (nas.17:27)</p> <p>07. Nang tuh kei a dingin ka la phuah siam na hi ding hi (Nas. 17:28)</p> <p>08. Na pianma akipan nang tuh ka hon theisuak vekta hi (Jer. 1:4-5)</p> | <p>09. Khovel ah thil omte ka bawl lai akipan in nang tuh ka hon telkholhsa na hita (Eph.1:11-12)</p> <p>10. Ma pian ma pek akipan in na niteng hinkhua zat dingdan tengteng tuh ka laibu sung ah ka gelhkhohsa vek ahi ngal a (Sam 139:15-16)</p> <p>11. Nang tuh zah huai tak leh kilawm tak a om ding a ka hon bawl na hi (Sam 139:14)</p> <p>12. Na nu gil sung a na omlai akipanin nang tuh muh khat a ka hon gawmkhawmsa na hi (Sam 139:13)</p> <p>13. Ni sawtlou nung chiangin hong piangkhe ding na hihtak ziakin (Sam 71:6)</p> <p>14. Kei hon theiloute`n tuh itna kichi leng a thei kei uhi (Joh 8)</p> |
|---|--|

## TEIRAWLTE LAMDIK HILHTU

-Mangminlun, Singngat PC

### Pulakna

Laisiam mi (educationist) tamtakte pomdan leh sinsakna dan in mihing kum 12 akipan 20 tan kikalte teirawl (adolescence) akichi hi. Hiai teirawlte tuh naupang etkoldan a etkol dingin a kipiching sak huntawktua, himahleh tuailaite`n thuhilh dan a thuhilh ding in zaw ka naupang law lai a chinuam zel uhi. Tuailai hunt uh mihing a dingin hun poimoh pen ah ii chi ua, adikna chiang le aom tham hi`n ka thei. Himahleh in a phawkphak khol louh uh hiai teirawl hun tomchik tuh i hinkhua adia hun poimoh penpen ahi chileng genkhial lawmlawm di`n ka kikoih kei hi. Bangziak hiam i chihleh tuailai hinkhua kisia i chih tamtakte tuh hiai teirawl hun poimohentak zangkhalte ana hi tangpi uhi.

Tulai khovel ngial ah teirawlte`n lamdik leh diklou na tawm khensiam haksia i sua ua, tamtakte`n i lampi zuih lel uleng theichian lou in i hunte uh i zang liam zungzung maimah uhi. Hiaite puaknatna liantak lungtang a nei ka hihmanin Toupa hatna toh pang a teirawlte lamdik hilh ding tuh ka tup thupipen ahong hita hi. Huan, hiai laigelh tungtawn a Toupa`n teirawl tamtakte lungtang khek ding ahi chih muanngamna thupitak ka neih man in ka kipak khol diak hi.

Thupi tuamtuam pansan a teirawlte adia lamdik bang hihiam chih kikumkhawm ding ihi ua, abikin

Junior High, Inter leh Senior pawlte`n i Sunday school subjecte ban uah, hiai i messenger uh ana sim zel dingin deihsakna sangtak k`on khak hi. Huan, teirawlte kia hilou, tuailaite leh nu leh pate`n le i na sim ua, it ate, naute kiang a i hilhsawn theih ua leh manpha mahmah ding hi.

**01.Meipi theng pah bang leh hinkhua:** "Zingsang in meipi zing sah mahmah hinapi`n tomkal lou in thengpah hi"

Mihing hinna tuh thilthupi mahmah ahi a, himahleh a tehkhithpi thilte et in bangmahlou leh mitphiat kal

Pathian Thuchiam ahi uh. Huan lametna bei Ismael nam thupi a bawl dia thuchiam Bawlpa`n I naupangte tunga leng thuchiam a bawl tuh "**Chi thupi a bawl ding**" chih ahi. Mi thupi a bawl ding khat Pathian in nang hon enkolsak lel lel hi.

**6. Pathian tuh I Lawm ahi (v. 21:20):**

Pathian toh omkhawmna in gamdai-gamkeu ah leng Hinna leh Lametna hontun hi. Haksatna mun ah, khemna tui kihotna mun leh taksap hun in leng Pathian i kianga hongom nakleh hinna i nei hi. Pathian i lawm hoihpene ahi. Aman chikmah hun in hontaisan ngeilou hi. Aomlam I theihlouh lai in leng. Amah I kianganai ah om gige a, I lawm hoihpene ahi.

### tulai khovel

Zanlam zek in America te`n bible a thusawmpiake suang lianpi a gelh a kum tamtak ana koih uh, America tawn dan toh kituak lou chi in thusawmpiake pen lakhia ua, huai toh kiton in khovel a car bawltu minthang company khat in setan lim lian tak khopi lai ah takkhia uhi. Huaibanah Obama Government in neih kibang (pasal leh pasal or numei leh numei) kiten ding phalna a piak ziakin thugentu minthang Billy Graham tapapan Obama kiang ah "White House kek in a den louh na din a dalna koih in" chi in genkhum hi.

Huai omdan bel, America in Pathian thu a nak palsat luat ziakin Americate President omna, White House, Pathian in hon sawi kha ding ahihmanin kiving in chi a ataihilna ahi.

Chiklaipeuh a Pathian toh kinaih a om tuh a manpha pen ahi.

Simtu it, teirawl melhohtak leh dam thei mahmah na himaithe, himahleh tuni in hiai thu ngaihtuah thak dingin k`on deih hi. Na inn baang ua kikhai sanpi in "Tik, tok, tik tok" chia second khat khit, second khat a akhet ging lel tuh hiai khovel na paisanna d, thahat leh damthei mahmah tamtakte tung ah hiai sihna in vai ana hawm thamta ahi. Tuni in nang hiai sihna in ka tung ah vai ahawm kei himhim din a chi ngam tuam sam dia hia?

Na hinna bangmah ahikei chi a hon patausak sawm ka hi zenzen kei, lamdik bang hihiam chih hon kawkmuh sawm hizaw ka hi. Huaiziakin hiai laigelh simthei a na mit na hah theih lai man in kipak

inla, banghiam khat semthei ding a hinna na neih lai man in nasep hoihpene sem dingin kipanpah in. Na hinna meipi bangin a thengpah thei a, tuihu bangin lengmangthang thei hi. Hiai bang lel a delthawng hinna nei na hihmanin tua nah in zatle theichian inla, na hinkhua lamdik hon totpih ding lam ah na kal suan in.

"Na hinna uh bang ahia? Meipi tomchik sung hong lang a, mang nawn pah bang ahi" Jacob 4:14

Simtu it, Toupa`n hon vualzawl hen! Khan awn chiangin "Na hotdamna theichian inla, sang in" chih thupi zangin kikumkhawm nawn ni.

## CORRIGENDUM (BAWLDIKNA)

Kha masa (Nov. Issue) a Presbytery tuamtuamte khawmpi report kipiakna ah, North Lamka Presbytery in Upa ordination abawlte lak uah Elder G. Lalkhanthang of Immanuel Presbyterian Church ki hel kha lou ahihmanin hiai ah bawldik thakna hon kibawl hi. North Lamka Presbytery in Elder G. Lalkhanthang pen vaihawmna tawp lam a ordination a piak uh ahizhiakin, a bul lam a ordination tangte chauh hon kisuah kha hizaw hi.

mai ahidhan chiang mahmah hi. Laisiangthou ah mihing hinkhua toh tehkhitpih thil tuamtuum muhtheih in om a, huaite lak a khat ahiehleh "Meipi bang mai ahi" chih ahi. Meipi toh tehkak a aomna ziak tuh bangmahlou a thengpah thei leh ahidhan a gen otna ahi. I theihsa mahbangan meipi tuh nisa leh huihnungte'n tuahkhia in mangthang sak thei pahpah uhi.

Tehkhitna i muh bang ngei in hiai i teirawl hinkhua le manpha in etlawm mahleh sihna in i hinkhua ah vualtungtuanna tang thei gige ahi chi hi theih thak uh hoih ka sa hi. Hun bangtan hiam paita in tuailai kikhopna hun ah thugenna piak in ka om a, huai hun ah thiai thupi mah "Meipi thengpah bang leh hinkhua" chih pansan in thu ka gen hi. Tuailai kikhop chih minvoh in om mahleh huai kikhopna hun ah a tamzawte teirawl kum 13 akipan in kum 16 vualte ngen hi'n ka thei hi. Amaute makaih dingin tuailai hunkhop le hong kikhawm uhi.

Ka gen utpentak ahiehleh, ka thugen ngaikhia teirawlte' lakah sihna in khentuam neilou a, tulaitak hiam, ahiehkeileh tuzan kal hiam a eite tung a vaihawm thei den ahi

chi'n gen mahleung kei agentu ngaihtuahna ngoihngoih ah le thil tungthei dingin pom haksaka sa hi. Himahleh thudik mah ahi a, sihna in teirawlte hinna ahawisak tuan sam kei chih bel haih vual louh ahi.

Niteng tanchinbu (Newspaper) khawng a sunna column (misite min kigelhna) ka et khak chiangan amin ban ua kigelh akum un lungsim ngaihtuahna hon sukha mahmah sek hi. Kum tamlam ahiehlehbel ngaihdan khat ah ahi thei mah ahi chihna chiang ka nei a, himahleh kum 20 sang a naupang zaw ahiekhak chiangan ngaihdan tuampi hon guan hi.

Hiai l;ei hinkhua delthawng lua ahidhan ka genlai a ka thugen ngaihetute lak a tel ka nau in kum 16 chinglou a hiai khovel ahon nutsiatsan mai zaw lungtang hon vut tuntun khat aom hi'n ka thei hi. Puaksiam ahaksa petmah a, tuni chiangan inle thil hithe di'n ka koih thei nai kei. Himahleh alehlah khat ah hiai ka nau' sihna in ka lungtang a om dotna tengteng adawna hon musak vekta hi'n ka thei hial hi. Huai tuh sihna in teirawlte tung ah vaihawm thei gige ahi chih ka chetna mahmah ahi.

## GA & Seminar a tel dia chialna leh theih sakna

Presbyterian Church in India (Reformed) saptuam kahiang poimoh mahmah Presbyterian Youth Fellowship in **PYC 2015 & General Assembly** kithuah in December 9-13, 2015 sung Khawmpi thupitak leh nuamtak a zat ding chih himahleh gamsung buaina leh PAC, PCI recommend-na dungjui in, leh Martyr 9-te sunna leh zahna in hiai Khawmpi ding a gelsa pen cancelled ahi.

Himahleh, PYC Executive thupukna dungzuiin hiai khawmpi pen a neu jaw deuh a sai ding dan gel ahi a, **General Assembly & Youth Seminar, December 11-13, 2015** sung a zat dia lemsak ahi. Hiai hun in Uplate Vaihawmna, Zing Devotion (2vei), Seminar (3vei) leh Biakna Kikhop (4vei) om ding hi. Seminar leh Biakna Hun pen mipi a dia seh ahi a, saptuam mite'n hong uap ding leh Tuailaite a tam thei lam hongtel a, Pathian' vualzawl na hong tang dingin ka hon chial hi. Khawmpi hunsung in Local saptuamte'n program dang ana bawllou a hong uap vek ding in ka hon ngen hi.

**Khawmpi Min : General Assembly & Seminar 2015**  
**KhawmpiThupi : Jesu A It Tuailai**  
**Amun : Rayburn College Campus**  
**Ahun : December 11-13, 2015**  
**VaihawmnaMun : Rayburn College Auditorium**  
**Registration Fee : Rs. 20.00 (Khawmpi a tel ding tengin Friday tan a Registration bawl chiat ding)**

### Thugentute&ResourcePersonte:

1. Rev Dr. JM Paupu, **Topic: Youth and Christian Marriage**
2. Rev B Chinlamthang, **Topic : Challenges for Missions**
3. Rev Dr. KhKhaizakham, **Topic : God Honoring Worship Devotion:** Rev G Pau Muanthang

Sd/-  
 Rev Khen P Tombing  
 Chief Coordinator

(REV G SUANZALAM)  
 YOUTH COORDINATOR

## NA NAUPAAI NATHEI CHIANG HIA?

By: Nu Sialvung  
 Rayburn Presbyterian Church

Luka 1:38 "Huan, Mariin, ngai in, Toupa' sikhanu kahi, na thu bang jelin ka tungah tung hen a chi a. Huan Angelin a paisanta".

Awle! Unaute aw hun hongpaitou jelin Kristmas bang hongtungnonta a lungdamhuai isa mahmah hi. Adiakin kumbul a idinlaiin Pathian kianga ikilatna muangan nuam leh kipaktak a Ni leh Khate zangtou dinga ikigintak lain theikhohlna himhim omlou in thakhatin thang-awk bangin Manipur Assembly a bill thum ki pass te ziaakin salpha luang kua hilhial bang itan uhi. Imaban ding khimzing banga mailam mial bikbeka om himahlehang Pathian in a khazak limnuai ah Akpi'n anoute a opkhum bangin lungmuang leh khamuangan bittakin Toupa' pina itang uhi. Huaiziakin Toupa'n thupina tanghen aw.

Tukha in Nute a ding biikin Mari leh Elizabeth tungtawn in NA NAUPAAI NATHEI CHIANG HIA chih thupi a zangin houlim leng uthuai kasa hi. Mari in Jesu apaai theihna dingin Pathian' maipha angahmasa hi. Bangchidan a Mariin Pathian maipha mu a adeih sakna anatang biik hiam ichih leh Mari Pathian mai ah kiniamkhiakden in Pathian' deihna bangin ahinkhua zangsiangthou hi. Huaiziakin Pathianin Mar deih saktuum biik in dinmun poimoh leh thupitak ah

koihsang tou hi. Mari nemei maimai khat himahleh khovel hondampa ding asung ah hongpiang hi. Huaiziakin Mari in hamphatna atanteziakin nakpitakin Pathian' tungah akipak hi.

Huchiin Mari athoua, asanggamnu Elizabeth, Judia gam a singtang khua khat a teeng veh dingin akuan hi. Zekaria' inn ah aluta asanggamnu Elizabeth chibai abuk hi. Huchiin Elizabeth Kha-Siangthou in adima nakpitakin

lungsim uh leh taksapte a thei omsun Saptuam ahi.

### 2. Pathian in Naupang Haksatna a Dong:

"Bang a chia ahia?" Hagar in naupang si ding en ngamlou in paisan hi. Bang ziak naupangte kap ahia? A ziaakte tuh Naupangte suksiat leh nelhsiahna, ngaihsaklouna leh gilkiak chiang un. A dinmun uh theihchet ut in kap ua. Ngaihsak leh phawpkhak lunggulh ziaakin a kap ua, zahtak leh it ahieh theihna ding un kap uhi. I naupangte' kahna ziak dong a, I ngaihsak ding ahi.

### 3. Pathian in Naupang Kemtute a Hanthawn:

Naupang kepna ah haksatna tampi na tuak ding, himahleh lau in lunglel in om ken, Pathian in Hagar kianga "Lau ken" a chih bangin I kianga hon chi hi. Naupang enkoltute Itawsawn uh poimoh hi. Kemtute hanthawna leh naupangte kepna ding in saptuam in sum bangzah seng in bang program I sai ua? I lunglutpih taktak uhiam chih dotna lianpi ahi.

### 4. Pathian in Naupangte Kep Dingdan Honsinsak:

Naupangte kep ding dan I theihloun lai in leng, naupangte itu Pathian in I kep dingdan hon sinsak in "Naupang phong in" a chi. Hiai tuh "A hinna Humbit in" chihna ahi. Amaute taksapna, nek-le-tak, silh-le-ten a panpih ding ahi. Huan "Na Khut in Len in" a chi lai hi. Na khutin amaute na lenkha ngei hia? Amaute haksatna:- lungsim, kha leh taksa lawngkha in I sukha ngei hiam? Amaute lungtang, kha leh taksa lawngtu ding Saptuamte lounal kuamah dang omlou hi.

### 5. Naupang a dia Pathian Thuchiam:

"Nam thupi a bawl ding" (v. 21:18). Hiai thuchiam tuh tulel a naupangte' taksalam taksapte sang in a poimoh zaw hi. Pathian in naupangte a mu a, a it a, a khotuah hi. Sarah in a huat ziaakin inn apan nohkhia Ismael leh Hagar a ding in gamdai ah kinepna ding himhim aom kei, sih ding amaban ahi. Himahleh Pathian in Lametna beite lametnaa a pia a, kinepna beite kinepna pia in, a hinna ding un "Tui" amusak a, huai tui tuh Pathian, taksapte pepa leh anaak (resource) ahi. Huan hiai tuh Pathian' hun a hongtung I ngakzoh kiphamoh hi. Naupangte tengteng



## PATHIAN' LUNGSIM BANGPU SAPTUAM : NAUPANGTE KAHNA AW ZA

Genesis 21:17-20

17Huan, Pathianin naupang aw a jaa; huan, Pathian angelin van akipanin Hagar a sama, a kiangah, Bang na chia ahia Hagar? Lau ken: na omna naupang aw Pathianin a ja hi. 18Thou inla, huai naupang phong inla, na khutin lenin, amah chi thupi taka bawl ding ka hi, achia. 19Huan, Pathianin a mit a hihvak saka, tuileh a muta hi; huchiin a vapaia, tuithawl ah tui a dim dima, naupang a dawnsakta hi. 20Huan, naupang kiangah Pathian a om jela, a hong khanglian jela; gamdai ah a om tou jela, thalkap siam a honghita.

PCF Day chibai!

Tuni a Inaupangte uh zingchiang a gamsung, khosung leh saptuam dingte ahi ua, I TUNI in I ZINGCHIANG ding bawl hi. I Pathian pen tuni tan kia a I Pathian ding hilou in, khangsawn-sawnte tana I Pathian hih ding ut ahii manin, khangthak hong om ding naupangte awlmoh mahmah hi. Hiai tuh Tangtawn Pathian ahihna ahi a, a khang-akhang a I Pathian uh hi hut hi. Huaiziakin tuni a I naupangte kahna a za in, awlmoh mahmah hi. Pathian' lungsim bangpu saptuam tuh Naupangte' kahna AW zate ahi uh.

### 1. Pathian in Naupang Kahna Aza:

Inn apan nohkiak Ismael leh a nu Hagar Gamdai ah beidong leh sih ding ngak in om uhi. Naupang beidong in a kap a, Van apan Pathian in "Naupang aw ka za" (v.17) hi. Naupang beidong leh dangtak a akahna AW Pathian in za a, huchiin hong paukhia hi. Naupangte it ding leh kem ding in Pathian in SAPTUAMTE khovel ah honomsak hi. Naupangte'n khanna bukim a hong neitheihna ding ua nasem thei omsun Saptuamte ahi. Naupangte' kahna ziak tampi a om ding, himahleh a

akipak hi. Hong kikou khiin nang numei sapsap din nahampha hi, nagilgah leng ahampah hi, ka Toupa' nu kakianga nahong bangchidan ahia, ngaiin nonchibaibuk husa kabila aluttakin ~~kasunghraungkatang~~ (Move) achi hi. Huchiin Mari hongpaukhia a, kanuntakna in Toupa apahtawi e achi hi. Kha kibang paaitegel hong kimu uh tuh Revival thupitak atunga alungtang uh nuamsain akipak petmah uhi.

ahi. Eimite'n ichiin mahmah khat uh tuh numei nih le thum i omkhom chiangun mi igensenak uhi. Himahleh tuin ka piangthakkei achi omlo uhihmanin Kha-Siangthou paai ngen ihita hi. Tuchiangchiang in zaw numei nih le thum i omkhom chiangun Pathian thu ngen igengenta uhi. Ahii lah Pathian thu houlimna a zanglouin thusia ngen igennop/ ibildoh ahihlai leh zaw inaupaai diklou hikhading ahi.

Hiai Elizabeth leh Mari' naupaai in hinkhua kikheksaktu apaai tuak uhi. Mi'n Kha-Siangthou honneih chiang un ahinkhua uh hongkikhek teitei ua, amizia uh hongkikheng lamdang hi. Khalam nau gentaklough Nupi te'n nau ipaichiangin leng iduhsa iduhnonlough bang a om a, iduh ngeihetlough iduh tuntun bang a om a, imizia hongkikhek mok hi. Huchimahbangin Kha Siangthou paai ihihleh igennopte, ihoulum nopnate, Pathian thungen ahiding

Thupi a izat leh ikikupkhomte a panin na naupaai na theichiang hiam, nabildoh leh nahoulim nopna thusia ngen ahihlai leh na naupaai Kha niin/Kha gilou honpi paai keihkuhi nahidia, nabildoh leh nahoulim nopna Pathian thu deih tuntun/duh tuntun nahihleh Kha-Siangthou paai nahiding hi. Simtute khempueh duh kikheng, deih kikheng, ut kikheng, painopna kikheng, hinkhua kikheng in dimmun sangzaw ah Toupa'n hong lamsang chiatta hen aw.

Endih! khovel' pilna leh siamna te'n I buaina leh haksatna uh vaiveng sak tuanolou in, I lametna uh lingsak veve hi: lungmuanna I neikei ua, hon zaleen sak sam kei. Paul in "Khras thu zaw a mangthang lel eite a dingin HAINA ahi", chih hi. Pathian a kipan hilou khovel' suahkiak pilnate tuh Pathian ngaihni HAINA lel chihna ahi.

Jawlnei ISAI in, Pathian mit mahmah a I muh ding ua hong kilaak ding ahi chi a ana genkhoh tuh Christmas nitak masa a Pathian sa hong suahna leh A thuchiam a taktak a tangtunna, a hong hita hi. Amah sa mahmah in Bethlehem ah hong piang hi. "Huan, THU uh sa a hongsuaka, eite lakah a teng...kuamah in chiklai mahin Pathian a mu ngeikei; Tapa tang neihsun Pa angsung a om in, Amah a puangta hi" chih Johan 1:14, 18 in a chi hi.

Christmas kichi calendar a hong tuan ziak maia lop hilou hi. Nopbawlna (festival) leng hisamlou hi. Kum 10 paisa in Billy Graham Evangelistic Association nuai a "My Hope India" project ka na zom kha hi. Huai lai in, India

a khopi bangzah hiam ah tuailai 2500 kianga dotna kibawl tuh "Christmas bang genna ahia?" chih ahi. Mi tampite' dawna in Khrist nasep toh kisaihimhim genkhalouhi. Christian kichite nopbawlna, Jesu birthday, Santa Claus in nektheih a hawm ni, ann nekkhawmna chihthe khawng mite' Christmas theih dan a na hi hi. Huaiziakin in tuni in, Christmas bang hihiam chih suut in, theichian leng I chi hi.

### Christmas tuh:

- Pathian mihing hongsuak in, haksatna mihing-te tuah bangbang tuak dinga Khrist hong kipumpiakna ahi.
- Khelhna a om mite'n AMAH sa mahmah a I mitsuan theihna ding leh etton theih na dinga leitung a hong paina ahi.
- Mikhialte sih sik a si dinga Pathian hong kipumpiakna taklatna/ lahkhiatna ahi.

Christmas hun tuh Khrist hong paina ziak diktak thei a (a thei nailou mite theisak a) Toupa kianga kipahtu I gen hunding uh ahi. Mihing hilou a Pathian, mihing hongsuak ahihman in thil lamdang pipi Christmas masa in tung hi. Tuamah bangin, eite lak ah leng

2:8-14 thu ah Jesu pian thu van Angel in a theisak a, leitung dan in mi theihphak louh ahihlai un, van lam ten ngaihsak lua uh hive aw. Toupa Jesu pianna pen amaute pianna a Pathian in sehsak ahithu hon theita ua, taksa a salam ankuang ne kei mahle uh, muh theihlough ankuang a ne zawta uhi.

Luka 2:10 ah vansawltak in belam vengtute kiang ah "Michih a dingin tanchinohih kipahhuai mahmah ka hon tut hi" a chi a, unau, nang leh ken Toupa Jesu pen ei a din tanchinohih ahi chi a i theihlough lai inleng nang leh kei adin leng hon na pia hi maizen ei. A thupi lua, alamdang lua! Pathian phat in om hen! Nang leh kei, a mangthangsa, a sisa a dingin Khrist ah tanchinpha leh Hinna i neih thak theihna ding a Pathian in a Tapa hon na pia ana hi. Ephesa 2:1 "Nou leng na tatekna uleh na khelhna uh ziak a sin a hih lai un a hon hihhing a" a chi a, tuni a gilou leh s ii hih lai ua, Pathian in a Tapa in hon hihhing nawnta a, tuapen taka hi tanchinohih ahi a, Christmas tak leng ahipah ngal hi.

Belampute ahihleh lammang thei leh ahi kei uh. A ziak bel Pathian

vansawltak in kichian takin ahilkhinta hi. "Naungek puan a tuam, gan anpiakna kuang a lum na mu ding uh" a chi hi. A thu theih uh pen a lampi uh ahi a, amaute tua mun apan pai khesaktu leng tua thu mah ahi.

Nang leh kei leng Khrist hong pianna ziak diktak, i sunggil a i tan, a kichet nak leh i lampi ana hi a, kal hon suan khesaktu leng ana hi. Belampute'n naungek a muh phet ua leh Pathian pahtawi leh phat kawmkawm in a kikat uhi. Huaiziakin Luk 2:20 in hon sinsak atop pen tuh "Toupa Jesu mututen ei mah a om Pathian pahtawi leh kipak theilou pen hon hihbeisak a, i khua diktak leh van lampi paina diktak hon kawkmuh zawta hi"

Unau ittak hiai thu hoih takin ana sim inla, tukum Christmas diktak a na zangta in aw. Birthday lawm leh lawp tawp a zang mailou in, puan thak neih ziak a kipak le hi mailou in, Toupa Jesu hong pianna tuh "Kei mah ziak leh kahinna thak ding ahi" chi in CHRISTMAS DIKTAK zang dingin Toupa'n vualzawlna toh hon zangsakta hen, Amen.

## CHRISTMAS TAK

-Eld. H. Vungzamang, Rehoboth PC

Christmas kichi khovel mi tengteng in i meltheih chiat ua, ahun di bang thei in i ngaklah thei mahmah uhi. Ahihhangin Christmas tak hinna (nun) ne ii tam het kei zel a. Langthei lamah kisakkholhna thupitaktak nei in i om hi. Sweet December hongtung dingin i lungsim sung a luah dim a, nuamtak a zat leng it um chiat uhi. Kimkhatte lah lohching tak a zang le om, Pathian in ahiehleh bel nuamtak a zat i tupna lungtang hihmangna dingin A Tapa Toupa Jesu hon pe zata hi. Sunggilh a Kha Siangthou pawlna tangtute kia in Christmas diktak a zang thei phet uhi.

Christmas kichi pen mi tampite/n "Jesu Birtday" hiam i sa ua, Birthday lawm hilou ihi chi hi theih thak kul hive aw. Huan, Christmas hong kipat dan le i sui zek ding.

Kum zabi 4-na hun vel lai in Rome mite'n a Pathian uh Saturnalia a dingin December ni 17-24 tanpha ankuang luina anei sek uhi. Rome khua ah Christian tampi omta ahihmanun Khristian ten "En leng Hondampa Toupa Jesu khovel (leitung) a hongpai ngei ahi chih mite'n a theih na dingun" chi in December ni 25 in ankuang luina abawlta ua, tua pen (Christ for Mas) hong kipatna bul ahi. A omdan tak tuh "Khrist adia ankuang" chihna ahi.

Unau tua ei a om khelhna chiteng lamang dingin Pathian lungsim a sisan pawtlou a ngaihdamna pe theilou Pa lungsim a i siangthou theihna dia hong pai ahi chih sunggil lam a Kha Siangthou neite kia in Christmas tak zang dingin ihive. Taksa a dia ankuanglui mai hilou in, sunggil lam, khalam ankuang ahizaw. Paunakte 15:15 ah "Kuepeuh lungtang kipakan ankuang luina a nei gige" achi hi.

Toupa Jesu nun neitute'n bel nitengin Christmas tak a hinkhua uah a nei gige uh ahi zaw. Mas tak a hunbi omlou tangtawn daih nun (hinkhua) i nei zata hi. Pathian phat in om hen! Belam chingte hinkhua apan in a sut zek lai ding. Luka

hong tungthei ahi chih gingta a muangngam dingin a thak in i kichial hi.

Kum 2015 sunga I hun zatdan uh enkik leng, I nunnopna hun uh a tam kholkei maithei. Abiktak in Lamka khopi ah August 31, 2015 nitak a thiltung mulkimhuaitak ziakin kahna, mauna leh thangpaihna husa a nasa mahmah hi. Huaiziakin, khenkhat a dingin kipahna himhim om nawnlou ding bangin, khasiatna, mangbatna, gentheihna leh lungngaihna hun hikha ding hi. It-leh-ngaih tamtak te'n hon muaikhum san nung ua ngui demdum a om leng ki omkha ding hi. Ahihkeileh, khenkhat adi'n vualzawlana leh kumpha ahihman in, nuam leh am huai mahmah kha ding hi. Natna leh sum-le-pai ziaka haksatna thuakte a dingin bei meng leh chih huai mahmah ding hi. Huchibang kal ah Christmas hun kipahhuai ahihna nasan phawk banlou dingin khovel in hon pei lung-am thei ahi chih haihkei ni!

Bangteng na tungah hong tung mahleh, Jesu Khrist tuh na lungsim kongkhak ah dingin kong a hong kiu hi. *Tua kong na hon leh hong lut dinga, nang toh nitak ann*

*umkhawm ding ahi* (Kilakna 3:20). Khrist in na hinkhua ah, nang mahmah toh mimaltakin, Christmas zangkawm nuam ahi. Huai dingin Toupa'n na lungsim ah Khrist, tutung Christmas in piangsak hen.

Khrist hong pian chiangin Thu tuh Sahongsuak in eite lakah hong teng ta hi. Khrist kichi Immanuel – Pathian Ikiang ah a om chihna ahi. Pathian in *na khelhna, na lohsapna, na lungginna zanmial theihpih kawmin 'lunglel ken ka ta aw, nangbek a om hikei teh, na kiang ah ka om, na thuakna-te ka hon thuakpih in, ka hon huhding* I kianga hon chihna ahi (Mathai 1:23). Achihleh, eite lak ah huchibang a lungliap mi I omkha hiam? Huchibanga mial thupitakin hon tuam ahiehleh, nanga dingin "Mialna apan Vaak" Khrist ah hong vaakta ahi chih theih sakna kammal Isai 9:2na ahi.

Christmas in a etsak leh ahihna taktak tuh hiai a tunga kigen bang ahi. Khrist na tanpa taktak hidingin na sang thei hi, tua dingin Pathian min in ka hon chial... Christmas 2015 in VAAKNA thupitak I Saptuam sung, Gam sung, Nam sung, Inn sung leh mimal chih tung ah hon tun hen.

## Belamchingte'n le...

-TK Shyam Valte, Intern Pastor

"...Belamchingte'n, Bethlehem khua pha in I vapai diing ua, Toupa'n ei ahon hilh, hiai thil hongtung i-va en diing uh," akichi uhi. Luke 2:15

**Thupatna:** Pcir messenger simtute tengteng Kei leh-ka innkuante banah, Thadou Veng singnat Presbyterian church min Advent Khriasmass chibai konbuk uhi. I maituah diing Khrist hongpianna diing kha ahihman in, Hiai "Belamching te'n le Jesu Khrist amai tuahdan uapan sinlai bangzah hiam genkhom leng kachi ahi.

**1) Belam chingte mite kiang ah**  
Pasian in hon itna mihingte kiang a, kilatsakna diing in, Pasian in Angelte zang in belam ching mite kiang ah, ana tun masa pen mawh hi. Banghang hiam I chihleh, Pasian in mihausate leh mi gentheite khentuam a nei kei chih a latsak na diing ahi zaw hi. Mikingainiam belamchingte (*mangthangte, Pasian phawk loute, muhsit huaite, chi a Juda te'n a koih uh ahi, belam chingte*) adiing in bel, Pasian Belamnou tanchinhoih kipahhuai mahmah hongtun a lamdang lua hilou hi, aziak bel Jesu "Mihing' Tapa tuh mangthangte zong diing leh hondam diing a hong

*pai ahi him ahi" achi hi (Luke 19:10).*

**2) Judate hunlai a Belam chin kichi**

Laisiangtho gingta a zuimite a diing in, Belamchin kichi, leitung a *nasep(Profession) laklak adia a kumlui* mahmah hiding chih laisiamte gendan leh laisiangthou apan in a muh theih hi. Aziakbel Thukhum lui hunlai Iet-leh, Israelte adia belamchin kichi *nasep thupi mahmah khat ahi hi*. Bible a I muh bang in Belam chingtu masa penpen Abel ahi hi (Gen 4:2). Juda kumpipate leng belamchingtu chi a theih in om uhi. Pasian mahmah leng Israelte adia, belamchingtu muan

## MIALNA APAN VAAK

Christmas masa etikna

- Intern Pastor H. Thiankhanmuan;  
Bethel Presbyterian Church

Jesu Khrist hong pian ma kum 800 velin Jawlnei Isai in: "*Mi mial nuai a om te'n VAAK thupitak a muta ua: sihna lim gama omte tung mahmah ah VAAK a hongvaak ta hi*" chiiin ana puangzak hi (Isai 9:2). Bang gen ahi mahmah dia aw chih na ngaihtuah kha hia? I ngaklah uh Christmas hongtung nawn ding hita, I lungsim uah Bethlehem ngaihna talsa thaksak ni chiiin Jesu Khrist hong pianna thu saulou sutsawm ihi. Hiai ah Jawlnei Isai in Jesu Khrist hong pai na ziak diktak, leh Christmas masa ding genkhaw ana hi zaw hi. Thuchiam thupitak, huai tuh Khrist a om vaakna, khovel mite laka taang ding ahi chih genchiang mahmah hi (Cf. Mathai 1:21).

Pi-leh-Pute'n Pathian kua hihiam chih phawklo in, kha (spirit) khat bel om ahi chih thei hileh a kilawm uhi. Huai kha in a sih chiang un koi mun hiam – leinuai hiam, ahiehkeileh, van leh aksite khenlam a om hidia a gintak uh *PIALGAL* kichi tunding ahi chi uhi. Huai mun tuntheihna dingin banghieh kisan hiam chih thei tuanlou uhi. Kithoihna tuamtuam ana nei ua, a tung ua thiltung peuhmah Dawi a kipan hi dingin gingta uhi. Mi vunkaang Missionary masate honglut un tanchinhoih doudal leh gingtu hihding ana utlou bikbek hunkhop om uhi. Himahleh, hotdamna tangthupha tungtawn in

VAAKNA hongtung ta. Tua I dinmun uh hon domsang tuh hiai Jesu Khrist tanchinhoih ahi chih kei mimal in ka pom dan ahi.

Khang hong kikhek in, siamsinna leh khovel pilna sangtak a I kitaiteh ua, gah hoih leh thupi taktak I muh lai un, hotdamna gingta nuamlou khenkhat eite lakah leng om hi. Amau te'n khovel pilna in thil thupitaktak a bawlsuahte (*mit a muhtheih thilte*) ah ki-nga in, a bawltu mihing ah, *Pathian sangin*, a muanna uh liansak zawta uh ahi diam? Bangziak a mihing muanna hichi lawmlawm a khang ahia?

## HAT TAK LEH HANGTAKIN OM IN

(Joshua 1:6,9)

-Elder H. Vungzamang, Rehoboth PC

Gingtute'n Toupa a theih Chiang deuhdeuh Chiangun amau lam bangmahlou ahihdan uh a thei Chiang sem uhi. Huchibang a kitheite kiangah Toupa'n "Hattak leh hangtakin omin" chi in a gen a, lamdang taka hi. Bangmahlou a kithe bangchi'n hattak leh hangtakin aom thei ding ua eita? Bangmah hiloute a hat thei dia maw? Lamdang taka hi, a hatna uh leh a hangsanna uh tuh ama a thugen ah chiantakin a gelh hi. "Na damsung teng kuaman hon nang zou kei ding, Mosi kiang a ka om bang in nang kiang ah leng ka om ding, ka hon zuasan kei ding a, pail eng ka hon paisan kei ding hi" (Joshua 1:5) Hiai ahi ginguat hatna leh hangsanna thuguk, a gentu Toupa Pathian pen ahatna uleh a hangsanna uh ahi ngal a.

"Khenkhat in kangtalaite a muang ua, khenkhat in sakolte a muang ua, en zaw Toupa Pathian min i lau zaw ding hi" (Sam 20:7) Toupa min lamna peuhah gingtute hatna leh hangsanna aom a, hiai thei in ginguat in Toupa min lam tawp theilou uhi. A hatna uleh hangsanna uh ahingal a. I Bible a thu kigelhte i et Chiangin "Toupa" chih hi tampen leh kilawm hial ahi. Thil lamdangpi hi a ka theih khat tuh Kilakna 21:8 ah kigelh "Dawilokte leh gingtaloute leh kihhuaite leh tualthate leh mi ngaihhatte leh bum hatte leh milim bête leh zuatheite tengteng tuh, a tan dinguh dil, mei leh kat a kanga hi dia, huai tuh sih nihna ahi" a chi a, dawilok tuh tualthate leh gingtaloute tuh kibang a hon hilh hiveh aw. Huaiziakin i Pathian thu in hattak leh hangtakin om mai in chi in hon hilh a, hon hasuan hi. Ginguat kichi sual in a om sek a, gensiat in aom sek a, huai hun Chiangin leng Toupa tuh i lam a pang ahi. Ka laukei ding, mihing in bang hon hihthei dia (Sam 118:6) chi zel ni aw.

huai mahmah ana hi ngitngat hi (Isai 44:28; Jeremia 23:2; 43:12; Ezekiel 34:2, 8, 10). Thukhun thak lam I et-leh, Jesu Khrist in "*Kei belamchingpa hoih ka hi; belamchingpa hoih in belamte din a hinna a pe nak hi*" (Johan 10:11) ana chi hi. Belam I chih gandang toh kibatlouhna tampitak nei hi. A maukia innlam zotdan theilou ua, nungkik dan himhim leng theilou in, Amau a dia lau huai thil om ahi chih leng theilou uhi. Huaiziak in, belam in chingtu muanhuai mahmah a nei diing kisam hi. Belam chingtu hoih in, belamte a diing in hinna leh bitna pia a, belamte a diing in lungmuanna tun hi.

### 3) Juda te'n belam chingte a koih dan uh

Nidanglai (Palestine) mite'n belam a chin Chiang un, gamlak a giak den ua, Khenkhat ngial in kum khotawn in belamte uh, ching in gamlak ah, a hunte uh zangbei uhi. Tau bang a, ahun man phatakte uh, a zatbei ziak un, *sakhua lam a maikaite leh mite koihdan in mikhial, guta leh Pasion phawkloute chi uhi*, aziak bel Sabbath (Kholni) a tanlouh ban uah, Judate kithoihna dante zongzanglou uhi. Ajiakbel

amute'n ahun tengteng ua, belamte ching a, gamlak a omden ahihman un, biakna lam ngaihsakna diing hun mulou phetlou in, biakna lam ah, lunglutna leh theina zong neilou phial diing un gintak huai uhi. Amaute'n a theihchet mahmah diing uh bel, A belamte uh adiang a, Ann hoihna mun, tui omna mun, leh gamsa lau huai omna leh omlouhna mun chihthe beltheichian mahmah diing uhi. Tuabang a Kuamah theihpih louh a omlai un, zanlai ganchingte kiang ah, TOUPA hongkilak pen lamdang chihloulou theihloulou diing hi. A mauzong lamdang sa in, Tua Pasion Angelte hongthugen, ginmohna nengchik zong omlou in, kichiantak in thei ua, dawnna hoitak pia in, kipahna ngen in dim uhi.

### 4) Belam ching mite'n Angel thugen ki-chiantak in thei uhi.

*Huan, angelin a kiang uah, Lau kei unla, ngai un, mi chih adingin tanchin hoih kipahhuai mahmah ka hontut ahi. Tuniin nou adingin David khua ah Hondampa a piangta, amah Kris Toupa ahi (Luke 2:10-11).* Hiai Angelte bang a, Pasion in thukipahhuai tak zatheilai diing a,

Toupa'n hun hoih honpiak lai in, bangchin na dawn dia? Ahihkeileh, Pasion thupuan zathei diing a, kilawm mahmah te'n zalou a, khaw nawl a ganching mite kiang a, tanchin hoih kipah huai mahmah hongtun bang a, liamsak nawn mai diing I diam? Unaute, khovel mite'n bangmah lou a, a koih uh ganching mite kiang a, *KHRIS* hongpian a kipuan khiak bang in, mite ngaih in mikhial kihuai pe'n hileng zong, *KHRIS* mangthangte zong dia hongpai ahichih, Ganching mite kia, a kilakna in hon thei chian sak mahmah hi.

##### 5) Belam ching mite'n Angel thugen semsuah uhi.

Angelte thupak leh van a, angel sepaih honpi omkhom guihte'n Pasion a phat khit phet ua, belam ching mite dawnna (Immediate response) "...*Bethlehem khua pha in I vapai diing ua, Toupa'n ei ahon hilh, hiai thilhoih tung tuh i-va en diing uh, a kichi ua*" (*Luke 2:15*). Pasion thupiak zuih kichi *NASEP KHIK* ahi chih kichian tak in a hon musak theih hi. Belam ching mite'n a nasep tengteng uh, taisan a Angel thugen a zuihna uh thupi kasa mahmah hi. "*Huchi in a pai mengmeng ua,*

*Mari toh Joseph toh, Gan-Annpiakna kuang a naungek lum toh a vam uhi*" (*Luke 2:16*). Unaute, bangziak a, ei-te'n Khrissmass kum hiai zah I zat nung ua, Pasion tuak theilou I hiam chih kivel thak chiat diin I kichial thakthak ahi.

##### 6) Belam ching mite'n Pasion thu tangkou pih uhi.

Pasion thu tangkou pih diing kichi, Ei-Gingtute mohpuak na lian penpen ahi hi. Tua mah bang in belam ching mite'n, Jesu Khris a va muh uapan, Jesu Khris ava muh thu uh, apaina lam peuh ah tangkou pih ua, ajakha peuh in lamdang sa uhi. Jesu Khris in a pianni apan in Mission nasep na honpan ngal hi. Huaiziak in ei-gingtute'n leng, Jesu Khris tungtawn a hotdamna Inghah apan tanchin hoih tangkou pih diing, I mohpuak na uh ahi hi.

##### 7) Belam ching mite'n Angel thugen hinpih uhi.

Belamchingte'n a kiang ua, theihsak a om bangbang amuh ziaak un, Pasion nakpitak in pahtawi uhi. Leitung mihingte etdan a zaw, Jesu Khris hongpian thei masa pen diing a, lomlou belamching te'n ana thei in HINPIH lai uhi. Hiai kipahna

thuhoih kuamah in alaksak theih louh leh khovel mi-kuamah in a piaktheihlauh thuguk neita uhi. Unaute, Khrissmass kichi Ei-gingtute ading a, kipahna ni ahi chih belamchingte' apan in sinlai I muthei uhi. Khrissmass I zat dingtoh kiton in, belamchingte bang a, kipaktak a innlam zuanthei chiat diing in, Jesu Khris lunggulh na toh Pasion muhsawm chiat din I kichial ahi.

**Thukhitna:** Sum-leh-Pai tamtak seng a, kum teng a Khrissmass thupitak a I zat un, khalam ah khanlohna hontun banlou ahi diam honchi sak hi. Khrissmass Ankuan luina, Zankhovak a lengkhomna, Kipollhimna I bawlte un, Khalam ah bang phattuumna hontun a? Kingaihsun chiat di'n I kichial ahi. Khrissmass I zat diing toh kiton in,

Pasion apan khalam kilakna (Spiritual Revelation) muthei diing in I lungsim tengteng toh Khrissmass zangdiing in I kichial ahi.

A tawpna diing in, Jesu Khris Leitung a, honvak lai a, Amah zuite, khenkhat *Amah itna ziaak a zui ua*, khenkhat *thillam dang ahite mu-utziak a zui om ua*, khenkhat *mipi lak a kilat himhim utziak a zui om uhi*. Huaiziak in munchih mualchih a om, Khris a ka unaupihte tukum Khrissmass Program I bawl Chiang un. *Ikim-leh-kiang ua Pasion adia khovak munailoute a diing in, Program khat bawlsak theile bang a chi dia?*

Date: 18/72/15, valteshyam@gmail.com



December  
2015  
Presbyterian Church in India (Reformed)  
*pci*  
**MESSENGER**



Tuni'n nou a dingin David khua Bethlehem ah  
Naungek a piangta, Amin Jesu ahi.



If undelivered, please return to:

The Editor  
PCI Messenger  
P.O. Box-32, Presbyterian Church in India (Reformed)  
Head office : New Lankka (H) 795128  
Manipur, INDIA

**BOOK POST**

To:


## PRODUCTION TEAM

**Editor**

Rev. Khen P. Tombing  
C/No. 9862088190

**Jt. Editor**

Rev. H. Chin Thiansong  
C/No. 8731850322

**Contributing Editors**

Rev. G. Suanzalam  
Rev. Khamlianmang  
Eld. T. Khupzadou  
Eld. Langkhanpau Guite  
Eld. N. Thangzamawi

**Cir. manager**

Mr. C. Biaklun

## THU TUUNTE

Editorial	01
Eden kongkhak...	03
Terawlte lamdik....	05
Na nau paai....	08
Christmas tak..	10
Belamchingten le...	12
Hat tak leh hang takin...	16
Mial apan vak	17
Pathian lungsim bang...	20

**Head Office**

Presbyterian Church  
in India (Reformed)  
Box -32, Hebron Veng,  
New Lamka 795006  
Manipur, INDIA

**Subscription Fee**

Rs. 10/- per copy or per month

**Website of the Church**

<http://www.pcireformed.com>

A sung a thu  
kisuahate editorial board  
ngaihnan ahivek  
kei.

Printed, published and edited by Rev. Khen P. Tombing at Diamond Offset  
Press for the Presbyterian Church in India (Reformed)

mite`n nuam asakpen uleh a itna mahmah khat utuh "inveh taima" chih a hi deuhvek sim hi. Khualzin khia, khualzin tungte delhzui zou pen pawl a gen leng ahi him hi. Amah kisit mahmah mahleh, a pastor pihte adia etton huai mahmah khop a nasem mi ahi chi in kei mimal in ka lungsim ah ka record hi.

PILAST lasa pawlte toh leng a suk, a tung ah saptuam veh in ana diang nilouh sek a, la bel siam lua hi`n ka thei kei, paukelh le a ut zeuh-zeuh. Himahleh la a sak chiang a aphur pen leh kipumpiak pen ahi sek chih bel ka chian mahmah hi. A mi leng kitasam ihih lai manun Khrist leh A saptuamte adia i hah zat mahmah pawl uh hikha ding hi.

**Sa matsiamna:** Pastor a sep tung in tu dinmun bang ahikei, loh na tawm piak zoh louh ana om kha simsek hi. A pastor nna pen thanuam tak in a sem veve a, tuabang kal ah sa a man thei a, vompi bang leng bangzah hiam a man hi. Pastor loh alak theih louh hun in a sa mat (vompi) te hong phatuam mahmah nawn hi. Hiai thu amah (Pastor K. Vungkham) khakkhiak nni a heutupa Khen P. Tombing in ahon gen leh ka lungsim ah "Pathian nasepna ah chitak leh kipumpiak tak in sem peuh lehang nek di zaw koi lam hiam akipan Pathian in hon pe thei lua ahi" chih a hong lut keuh hi.

Amah toh kisai gen ding tampi aom ding, kei theih dan tangpi geih teng mah, it huai ka sak man, leh ngaihsan huai ka sak manin kon taklang hi. A bul lam a ka gelhna ah, "pension piak in omta, Halleluiah" chi in kon gelh a, a pension kipahpihna thu sam a "Halleluiah" kon chih ziak bel, buai huai se lou, leh ngaihsan huaitak a a-pension ziak ahi. Toupa phat tak mah ahi. Halleluiah!

Pathian in ompih in, makaih zel hen.

gelhtu: v.nunlian